

XI. ERANSKINA

HITZARMENA, EUSKO JAURLARITZAKO HEZKUNTZA SAILAREN ETA
.....-KO UDALAREN/.....-KO
MANKOMUNITATEAREN ARTEKOA, UDAL TITULARTASUNEN MUSIKA-ESKOLAK
ETA KONTSERBATORIO PROFESIONALAK SENDOTZEKO HELBURUAREKIN
IZENPETUA.

Vitoria-Gasteiz, 202... (e)koaren (a).

ELKARTURIK

Alde batetik, Cristina Uriarte Toledo, Hezkuntzako sailburua.

Bestetik,-ko alkatea-ren ordezkaria

AZALTZEN DUTE:

Musika-irakaskuntzak irakaskuntza artistikoen erreferente nagusiak dira Euskadin. Tradizioz, xarma berezia izan dute gizartean, eta hori dela-eta tokiko Administrazioek eskaintzen dituzte.

Gizartean duten garrantziarengatik, udalen esfortzuagatik, eta herritarren prestakuntza sustatzeagatik, hezkuntzako administrazioak baliabideak kudeatu izan ditu, eremu hori antolatu, planifikatu eta finantzatzeko.

Ikasketa horietarako aurrekontuen bidez, irakaskuntza horiek Euskal Autonomia Erkidegoan normalizazio-prozesua izatea lortu nahi da, bai espazioan banatzeko orduan, bai eta irakaskuntza horietan ematen diren espezialitateak eta mailak orekatzeko orduan ere.

Musika-ikastegiaren helburu nagusia da tradizioan oinarritutako dantza eta musikaren alorretan prestakuntza praktikoa ematea, bai eta nahi dutenak irakaskuntza profesionaletarako gidatzea eta prestatzea ere. Kontserbatorioek eta baimendutako zentroek irakaskuntza arautua eskaintzen dute, eta musika-eskolek, ordea, arautu gabeko irakaskuntza.

Diruz laguntzeko programa honen bidez, ikastegiok mantentzen lagundu nahi da, Hezkuntza Sailak ematen dien finantzazioa ezarritako ehunekora hurbilduz.

Lehenengoa.- Hezkuntzako sailburuaren 2019ko azaroaren 26ko Aginduaren bidez (2019ko abenduaren 10(e)ko EHAA), Euskal Autonomia Erkidegoko tokiko erakundeentzako deialdia iragarri zen, udalek eta mankomunitateek laguntza-eskabideak aurkeztu ditzaten, udal-titulartasuneko musika-eskoletan eta musika-kontserbatorio profesionaletan egungo eskaintza sendotzeko.

Bigarrena.-ko Udalak/Mankomunitateak, kultura eta musika hedatzeko jardueren barruan, eskabide hori aurkeztu du, aipatutako aginduari jarraituz.

Hirugarrena.- Hezkuntza Sailak, agindu horretan xedatutakoa oinarri hartuta,ko Udalak/Mankomunitateak aurkeztutako eskabidea onartu du, eta, horrenbestez, hitzarmen hau sinatzen du, honako klausula hauen arabera:

KLAUSULAK

Lehenengoa.- Lege-esparrua

Hitzarmen honetan aintzat hartzen diren zehaztapenak bat datoz Hezkuntzako sailburuaren 2019ko azaroaren 26ko Aginduan ezarritako esparruarekin. Agindu horren bidez, Euskal Autonomia Erkidegoko tokiko erakundeentzako deialdia iragarri zen, udalek eta mankomunitateek musika-eskoletarako eta musika-kontserbatorio profesionaletarako laguntza-eskabideak aurkeztu ditzaten.

Bigarrena.- Xedea.

Hitzarmen honen xedea da Hezkuntza Sailaren eta sinatzen duen udal edo mankomunitatearen arteko elkarlana formalizatzea, tokiko erakunde horren titulartasuneko kontserbatorio profesionala mantentzen laguntzeko (abenduaren 11ko 229/2007 Dekretua) edo udalaren musika-eskola mantentzen laguntzeko (urriaren 27ko 289/1992 Dekretua), 2018-19 ikasturteko kostuak finantzatzen laguntzeko, eta, azken finean, zentro horrentzako finantzaketa-esparru egonkor bat lortzeko.

Hirugarrena.- Diruz lagundu daitezkeen gastuak.

Diruz lagundu daitezke musika-ikastegiaren 2018-19 ikasturteko langileen gastuak eta ekipamendu- eta funtzionamendu-gastuak, musika irakastearekin zuzeneko lotura duen edozertarako.

1.- Langile-kostuak.

- • Langile-gastuak honela zehaztuko dira: kostu garbia, gizarte-segurantza, eta beste (beste aseguru batzuk).
- • Beste erakunde batzuetan ere ari diren irakasleak ez diren langileen kostuak proportzioan kalkulatuko dira, musika-eskoletan duten dedikazioa soilik kontuan hartuz.
- • Zuzendaritza-lanen gastuak irakasleak ez diren langileen gastutzat hartuko dira.

2.- Funtzionamendu-kostuak.

- • Langileen kontratazioa kudeatzeari lotutako gastuak (azpikontratak edo kudeaketa-gastuak) funtzionamendu-gastutzat hartuko dira, eta ez langile-gastutzat.
- • Irakasleen prestakuntzaren gastuak funtzionamendu-gastutzat hartuko dira.
- • Musika eskolak sortu bai baina onartzen ez dituen kostuak beste erakunde batzuek diruz lagundutako gastutzat hartuko dira, eta beste laguntza batzuen multzoan sartu beharko dira.
- • Musika-eskolak beste erakunde batzuekin partekartzen baditu instalazioak, gastuak proportzioan kalkulatuko dira (guztizkoaren %).

3.- Baliabide materialei dagozkien gastuak ekipamendu-gastuak dira.

Laugarrena.- Onuraduna.

Toki Erakundeei buruzko apirilaren 7ko 2/2016 Legea indarrean jarri zenean Euskal Autonomia Erkidegoan zeuden musika-ikastegi hauen titular diren pertsona fisiko edo juridiko titularrak, baldin eta hala inskribatuta badaude Euskal Autonomia Erkidegoko Ikastetxeen Erregistroko atal espezifikotan:

a.- Udal titularitatea duten musika-eskolak, urriaren 27ko 289/1992 Dekretuak arautuak, dagokion baimena baldin badute arautu gabeko irakaskuntza emateko.

b.- Udal titulartasuna duten kontserbatorioak, abenduaren 11ko 229/2007 Dekretuak arautuak, dagokion baimena baldin badute arautu gabeko irakaskuntza emateko.

Erakundeentzako dirulaguntzen hartzaileak

Bosgarrena.- Aldeen ekarpenak.

Proiektuan jasotako helburuak lortzeko eta proiektuko ekintzak gauzatzeko, sinatzaileek ekarpen eta konpromiso hauek hitzartu dituzte:

A) Toki-erakunde –udal edo mankomunitate– sinatzailearen aldetik:

A 1 – Ekarpenak.

- Giza baliabideak eta baliabide materialak, urriaren 27ko 289/1992 Dekretuan zehaztutakoak. Dekretu horren bidez, Euskal Autonomia Erkidegoan musika-irakaskuntza espezifikoa, arautu gabea, ematen duten ikastegiak –musika-eskolak– sortzeko prozesua eta haien jarduna arautzen dira.
- Giza baliabideak eta baliabide materialak, martxoaren 15eko 303/2010 Errege Dekretuan zehaztutakoak. Dekretu horren bidez, Hezkuntzari buruzko maiatzaren 3ko 2/2006 Lege Organikoan araututako irakaskuntza artistikoak ematen dituzten ikastegiek –musika-kontserbatorio profesionalek– bete behar dituzten gutxieneko baldintzak finkatzen dira.
- Ikastegiari lotutako hainbat alderdi (kontrola, antolaketa, administrazioa, garbitasuna, mantentze-lanak eta beste zerbitzu batzuk) aintzat hartzeko eta bermatzeko behar diren langile egokiak.
- Hezkuntza-proiektuaren bideragarritasuna bermatzeko behar beste baliabide ekonomiko, alde batera utzita Hezkuntza Sailaren dirulaguntzen bidez lor daitezkeenak.

A 2 – Konpromisoak.

- Hezkuntza Sailak emandako dirulaguntza eman den helbururako bakarrik erabiltzea, hitzarmen honen bigarren klausulan adierazitakoa jarraituz.
- Jarraipen Batzordeari ematea esleituta daukan funtzioa betetzeko beharrezkotzat jotzen duen edozein dokumentazio osagarri.
- Haren titulartasuneko musika-eskola edo kontserbatorioaren funtzionamendua zuzenbidearen arabera dela bermatzea, bai antolaketari eta langileen erregimenari dagokionez, bai zentroak jasotzen dituen baliabideen kudeaketa egokiari dagokionez, honako hauen bidez: kalitate-programa bat, zerbitzu egokia eta herritar guztiek berdintasunean han izen emateko aukera izatea.
- Haren titulartasuneko musika-eskolaren edo kontserbatorioaren antolaketa-esparrua eta kostuak honako parametro hauetara egokitzeko mekanismoak ezartzea:
 - a. Irakaskuntza-jardunaren ordainketa gastu arruntaren % 75 izango da gehienez.
 - b. Administrazio- eta zerbitzuetako langileen kostuak gastu arruntan duen eraginak ez du gaitzuko guztizko gastu arruntaren % 11, eta kudeaketa ekonomikoa barne hartuko du, horrelakorik balego.
 - c. Ekipamendu- eta funtzionamendu-gastuek ez dute guztizko gastu arruntaren % 14 gaitzuko.
- Ikasleentzat prezio publikoak ezartzea, eskolen kostuaren heren bat berdintzeko.

- Haren titulartasuneko musika-eskolaren edo kontserbatorioaren autofinantzaketarako bideak sustatzea.

B) Hezkuntza Sailaren aldetik:

B1– Ekarpen ekonomikoak.

Hezkuntza Sailak, 2020ko maiatzaren 21eko Ebazpenaren bidez, euroko dirulaguntza eman dio toki-erakunde sinatzaileari –udal edo mankomunitate-, bere titulartasuneko musika-eskolako edo musika-kontserbatorio profesionaleko 2018-19 ikasturteko kostuak finantzatzeko.

Horretarako beren-beregi eraturako Jarraipen Batzordeak ikuskatuko du betetzen dela laguntzaren xedea.

B2– Konpromisoak

Toki-administrazioek eskaintzen dituzten musika-eskolen finantzaketa-prozesuarekin jarraitzea, Hezkuntza Sailaren finantzaketa Euskadiko Toki Erakundeei buruzko apirilaren 7ko 2/2016 Legean aurreikusitako ehunekora gerturatuz, hain zuzen ere urtero dirulaguntzen deialdiak eginez eta hitzarmen honen baldintzetan, beste finantzaketa-hitzarmen bat izenpetu arte behintzat.

Seigarrena. – Jarraipen Batzordea.

Hezkuntza Sailak eta toki-erakunde bakoitzak izenpetutako hitzarmena behar bezala betetze aldera, Jarraipen Batzorde bat eratuko da, eta kide hauek izango ditu:

- Ikastetxe eta Plangintzaren zuzendaria edo hura ordezkatzen duen pertsona; batzordeburu jardungo du.

- Hezkuntzako ikuskatzaile bat, ikuskatzaile nagusiak izendatua.

- Ikastetxe eta Plangintza Zuzendaritzako teknikari bat, idazkari jardungo duena

- EUDEL elkarteko ordezkarri bat.

Jarraipen Batzordearen eginkizunak:

- Jarraipen Batzordeak gainbegiraturako du zenbateraino betetzen diren hitzarmena eta ikastegi bakoitzaren urteko plana, zeina udal-titulartasuneko musika-eskola edo kontserbatorio bakoitzaren esku egongo baita.

- Horretarako, Jarraipen Batzordeak, bigarren ordainketa egin aurretik, aztertuko ditu ikastegiak zer datu aurkeztu duten eskabidearekin batera, jarduera-memoria barne dela. Gainera, egotzi zaizkion eginkizunak betetzeko beharrezko ikusten dituen agiri osagarri guztiak eskatu ahal izango ditu, eta ikastegiak gehienez bost eguneko epea izango du arrazoi edo justifikazio egokiak aurkezteko.

Agiria horiek aztertuta, Jarraipen Batzordeak txosten batean bilduko ditu bere balorazioak, gomendioak eta ondorioak. Txostena Ikastetxe eta Plangintza Zuzendaritzari helaraziko zaio, azken ordainketa egin dadin, baldin eta oniritzia ematen bazaio.

Zazpigarrena.– Dirulaguntza ordaintzeko epeak.

Eusko Jaurlaritzako Hezkuntza Sailak epe hauetan ordainduko du aurreko klausulan

adierazitako dirulaguntza:

1.- Laguntzaren % 19, hitzarmen hau sinatu ostean, eta hitzarmen honen lehenengo klausulan aipatutako Hezkuntzako sailburuordearen 2020ko maiatzaren 21eko Ebazpena Eusko Jaurlaritzaren egoitza elektronikoaren iragarki-taula elektronikoan argitaratu ondoren, 2019 ko azaroaren 26ko Agindua oinarri hartuta, eta agindu horren 17. artikulua 1. apartatuan adierazitako epea amaituta.

–Bigarren ordainketan gainerakoa ordainduko da, % 81.

Zortzigarrena.- Betebeharrak ez betetzea eta itzulketa-prozedura.

Erakunde sinatzaileak –udalak edo mankomunitateak– dirulaguntza eskatu eta eman zen helbururako erabiltzen ez badu, dirulaguntza emateko zergatia izan zen jardura burutzen ez badu, dirulaguntza eskatzeko adierazitako xedeetarako erabili duela justifikatzen ez badu, edo, orokorrean, ez baditu betetzen 2019ko azaroaren 26ko Aginduan xedatutako betebeharrak, azaroaren 11ko 1/1997 Legegintzako Dekretuaren (Euskadiko Ogasun Nagusiaren Antolarauei buruzko Legearen testu bategina onartzen duena) 53. artikulua xedatutako betebeharrak edo hitzarmen honetan adierazitakoak, jasotako diru-kopurua itzuli beharko du, baita sortutako legezko interesak ere. Horretarako, abenduaren 17ko 698/1991 Dekretuan ezarritako prozedurari jarraituko zaio.

Aipatutako diru-kopuruak diru-sarrera publikotzat hartuko dira lege-ondorio guztietarako.

Bederatzigarrena.- Hitzarmenaren indarraldia.

Hitzarmena sinatzen den egunean bertan jarriko da indarrean, eta 2020ko abuztuaren 30era arte egongo da indarrean.

Hamargarrena.- Berme-klausula.

Hitzarmen honetan sartu da bertan jasotako konpromiso finantzarioak betetzen direla bermatzeko klausula, betiere, Euskadiko Toki Erakundeei buruzko apirilaren 7ko 2/2016 Legearen 24. artikuluan ezarritakoaren arabera.

Aipatutako legea betez, baimena ematen zaio Herri Dirubideen Euskal Kontseiluari sistema bat adostu dezan, EAEko Administrazio Orokorrak hitzarmena sinatu duen tokiko erakundeari egin beharreko ordainketak ezarritako baldintzetan egiten ez badizkio egin gabeko finantza transferentziak atxikitze; hartara, sistema horren arabera, hurrengo aurrekontu ekitaldian egingo zaizkio ordainketok kaltetutako tokiko erakundeari. Transferentzia hori konpentsatu beharko da ordaintzeko betebeharra bete ez zen aurrekontu-ekitaldiaren ondoz ondoko ekitaldiaren lehen hiru hilabeteetan.

Hamaikagarrena.- Hitzarmen honek izaera administratiboa du, eta horrek dakartzan ondorioak izango ditu aplikatzean ager daitezkeen gorabeherak ebazteko.

Ados daudela egiaztatzeko, interesdunek hitzarmen honen bi ale sinatzen dituzte, goiburuan adierazitako tokian eta egunean.

HEZKUNTZAKO SAILBURUA
CRISTINA URIARTE TOLEDO

..... KO ALKATEA

IZENA:

.....KO
MANKOMUNITATEAREN ORDEZKARIA

IZENA: